



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ
Præcones**

Stengel, Georg

Ingolstadt, 1645

§. 7. Aquas terris non esse altiores.

[urn:nbn:de:hbz:466:1-52365](#)

298 Cap. XI. Res laude & admi-

eius, super montes stabant aquæ (adeò mul-
tæ atque altæ erant) ita ab increpatione tua
fugient (aquæ) ait idem vates, a voce toni-
trui tui formidabunt. Vox tonitrui, hoc est,
potentissima erat : Congregentur aquæ, quæ
sub calo sunt, in unum locum, & apparent
arida. Hac voce dirupta est terra, & im-
mensas quasdam effecit, tum intra, tum
extra se, cavitates, aggeresque, jecit; ut &
moles essent fluctibus oppositæ, & fossæ,
ac profundioresaluei, in quibus aquæ pri-
us, per omnem terræ superficiem vndique
æqualiter diffusæ, tanquam in vasis am-
plissimis, reciperentur; altioresque terræ
montes, cumulos, & campos denudatos re-
linquerent. Illæ enim, quasi præ formi-
dine, in fugam versæ, statim in locum
sibi à Numine paratum confluxerunt; vñ-
de sine eius nutu non excurrunt. Qua de

Pl. 103. 9. caussa ibidem dicit Propheta: Terminus
posuisti, quem non transgredientur, neque con-
uertentur operire terram.

Idem Lu- His igitur rebus retractis, terra repente,
eret, ibid. Maxima quæ nunc se Ponti plaga carnula
tendit,

Succidit, & salso suffudit gurgite fossu.
§. VII.

Aquas terris non esse altiores, Non

Non enim illis subscribendum arbitror, qui censuerunt, aquas, ut terram detegrent, minuscule extenderentur, ad Conditoris vocem ac mandatum, ita refugisse, ut in celsissimam altitudinem intumescerent; adeò, ut etiam nunc terram altitudine excedant. Siquidem omnia flumina, tandem intrant in mare; quæ cum per inferiores terræ partes semper ad ima decurrant, necesse est, mare non modò non celius, sed terrâ longe depresso humiliusque esse. Aiunt quidem diuinæ litteræ, Deum posuisse legem, terminos, & præcepta aquis, & vectes, ac ostia, ne transirent fines suos. His tamen testimentijs non conficitur, aquas, postquam non amplius efficiunt propriam sphæram terræ proximam ac superextensem, nunc adeò super altitudinem terræ elatas esse, ut, nisi diuina vi coercentur, facile, & suapte natura, erumperent, totamque denuo cooperirent. Licet enim naturales inclinationes creaturis ratione, immò & sensu parentibus à Deo inditæ, in diuinis libris subinde leges (non essentialiter, sed participatiuè quodammodo) vocentur, non est tamen credibile, tales leges naturalibus rerum incli-

Eccles. 1.
Pro. 8. 29.
Ier. 5. 22.
Iob. 38. 8.
Thom. 1.
2. q. 90. a.
1. ad 2.

natio-

nationibus perpetuò aduersantes, fuisse
datas. Alioqui mare, contra propriam
naturam & inclinationem, perpetuo mira-
culo eleuatum deberet contineri, ne ad in-
feriorem locum, sua grauitate efflueret.
Quod in concavis terræ sinibus colloca-
tum non facit, Ascenderet, si exiret.

§. VIII.

Quomodo aquæ dici possint in unum
locum collectæ?

Sexta igitur in varios sinus est terra, &
aquæ ipsæ diuisæ sunt, in lacus, amnes,
fluuios, & maria; tametsi congregatæ di-
cantur in unum locum; in specie, non nu-
mero vnum scilicet; seu in vnius generis
locum, quod idem est, ac si dictum esset,
congregentur aquæ in loca terræ humilio-
ra. Ita eum nos locum intelligere cogunt,
multa maria, in diuersis terræ tractibus
separata: quæ quidem omnia ferè cum
Oceano conjuncta quodammodo viden-
tur; attamen mare Caspium vndeque est
conclusum; & in Palæstina, circa regio-
nem Sodomorum & Gomorrhæorum, ma-
re quoque illud, in quod sese infundit
Iordanes, quod Scriptura *salissimum* ap-
pellat, ab Oceano prorsus est diuisum.

Sicut